



SIARAN MEDIA

SEJUMLAH RM312.22JUTA BAKI TUNGGAKAN PINJAMAN PEMBANGUNAN TANAH PESERTA FELCRA BERHAD DITUKAR STATUS PINJAMAN KEPADA EKUITI KERAJAAN

Kuala Lumpur, 18 Februari 2022 - Sebagai sebuah entiti korporat yang dimiliki sepenuhnya oleh kerajaan Malaysia melalui Kementerian Kewangan (Diperbadankan), FELCRA Berhad mempunyai tanggungjawab yang besar untuk memastikan dua teras utama pengoperasian syarikat perlu dilunaskan iaitu operasi perniagaan komersial dan mandat sosial syarikat untuk rakyat khususnya kepada peserta FELCRA.

Berdasarkan laporan Jabatan Audit Negara Malaysia, jumlah pinjaman pembangunan tanah peserta yang tertunggak sehingga 31 Disember 2021 adalah sebanyak RM312.22 juta.

Namun begitu, menurut Ketua Pegawai Eksekutif FELCRA Berhad Dato' Mat Roni Zakaria, baki tunggakan tersebut telah ditukar statusnya daripada pinjaman kerajaan kepada ekuiti kerajaan. Langkah ini menunjukkan betapa kerajaan amat prihatin terhadap isu bebanan hutang pembangunan tanah yang dihadapi oleh FELCRA Berhad.

Penukaran baki pinjaman kerajaan kepada ekuiti dalam FELCRA Berhad termasuk jumlah RM312.22 juta telah diluluskan oleh Dewan Rakyat pada Khamis, 4 Ogos 2022. Kelulusan ini telah memberi ruang kepada FELCRA Berhad untuk memperkuuhkan kedudukan kewangannya bagi jangkamasa panjang yang sekaligus dapat melunaskan tanggungjawab sosial kepada peserta dengan lebih besar dan berkesan.

Menurut Mat Roni lagi, walaupun FELCRA Berhad berhadapan dengan laporan kewangan yang kurang memberangsangkan dalam aspek tunggakan hutang dan keupayaan membayar dividen kepada Kerajaan, namun dari segi pengurusan kewangan akaun peserta (projek penyatuan dan pemulihan) tetap menjadi agenda utama syarikat dengan pencapaian-pencapaian yang baik seperti berikut:

Tahun	Jumlah Agihan Boleh Agih (Dividen)
2020	RM 163 juta
2021	RM 478 juta
2022	RM 517 juta

MENGENAI KAMI

FELCRA Berhad merupakan sebuah Syarikat Korporat milik Menteri Kewangan (Diperbadankan), dan dibawah penyeliaan Kementerian Kemajuan Desa dan Wilayah. Visi FELCRA Berhad adalah untuk menjadi Organisasi Perusahaan Sosial Termantap (social enterprise powerhouse) dalam sektor pertanian dan makanan demi mencapai misinya, iaitu untuk menjaga kepentingan ekonomi dan sosial para Pesertanya serta mengaplikasi agri-teknologi dalam mempelopori agenda Dasar Jaminan Makanan Negara. Pada masa kini, FELCRA Berhad telah menguruskan 202,867.42 hektar tanah melibatkan 107,130 peserta projek Penyatuan dan Pemulihan (P&P) dengan jumlah 1,356 Projek FELCRA di seluruh negara.

Dikeluarkan Oleh:

Bahagian Komunikasi Korporat
FELCRA Berhad
Tel: 03-4145 5440



www.felcra.com.my [felcraberhad.official](#) [felcraberhad_official](#) [felcraberhad](#) [felcraTV](#)